

## Cwrs Uwch - Uned Gyfoes

### Radio Cymru

#### Geirfa


cynulleidfa(oedd) gweledigaeth(au) gwythien (gwythiennau) hunllef(au) sylwebaeth	<i>audience(s)</i> <i>vision(s)</i> <i>vein(s)</i> <i>nightmare(s)</i> <i>commentary</i>	arlwy creadur(iaid) diwylliant (diwylliannau) cyflwynydd (-wyr) gwestai (gwesteion) sylwebydd (-wyr) trywydd(au)	<i>provisions/what's on offer</i> <i>creature(s)</i> <i>culture(s)</i> <i>presenter(s)</i> <i>guest(s)</i> <i>commentator(s)</i> <i>trail(s)</i>
anadlu dadansoddi darlledu plethu	<i>to breathe</i> <i>to analyse</i> <i>to broadcast</i> <i>to plait/to twine</i>	amrywiol eang	<i>varied</i> <i>wide (range)</i>

#### Cyflwyniad

O 12-18 Hydref, bydd hi'n Wythnos Dathlu Dysgu Cymraeg ar BBC Radio Cymru. I gyd-fynd â'r wythnos arbennig hon, bwriad yr uned hon yw helpu i gyflwyno Radio Cymru i ddysgwyr ar lefel Uwch. Cewch wybod am rai o raglenni a chyflwynwyr yr orsaf a chyfle i drafod beth sy'n apelio atoch chi ar y radio.

#### Storm eirfa – Radio Cymru

Mewn dau funud, meddyliwch am gymaint o eiriau ag y gallwch chi sy'n gysylltiedig â radio, neu Radio Cymru yn benodol (gallwch gynnwys enwau rhaglenni neu gyflwynwyr os ydych chi'n eu gwybod).



Wnaethoch chi feddwl am y geiriau canlynol? Dych chi'n gwybod eu hystyr nhw i gyd?

darlledu	stiwidio	rhaglen	cerddoriaeth
arlwy	newyddion	bwletin	sgwrsio
gwleidyddiaeth	drama	comedi	gwrandawyr
adloniant	meicroffon	trafod	chwaraeon
cyflwynydd	gwestai	tywydd	traffig
sylwebaeth	sylwebydd	sylwebu	

Mae'r brawddegau isod yn cynnwys rhai o'r geiriau uchod, neu eiriau sy'n perthyn. Dewiswch y gair mwyaf addas i lenwi pob bwlch.

1. Rhaglenni \_\_\_\_\_ ysgafn sydd ar Radio Cymru yn y prynhawn, gyda chymysgedd o gerddoriaeth, sgwrsio a chystadlaethau.
2. Gallwch chi glywed y penawdau newyddion diweddaraf mewn \_\_\_\_\_ sy'n cael eu darlledu ar yr awr.
3. Ar ei raglen radio bob prynhawn, mae Ifan Evans yn annog y \_\_\_\_\_ i gysylltu a rhoi cynnig ar wahanol gystadlaethau.
4. Mae \_\_\_\_\_ Beti George yn cael dewis pedair cân i'w chwarae yn ystod eu sgwrs ar raglen *Beti a'i Phobl*.
5. Mae rhaglenni o bob math yn rhan o \_\_\_\_\_ dyddiol Radio Cymru – dylai fod rhywbeth yno i blesio pawb!
6. Mae rhaglenni Radio Cymru'n cael eu darlledu o bedair \_\_\_\_\_ - un ym Mangor, un yn Aberystwyth, un yng Nghaerfyrddin ac un yng Nghaerdydd.
7. Mae rhaglen \_\_\_\_\_ yn cael ei darlledu ar Radio Cymru ar brynhawn Sadwrn. Mae'n cynnwys \_\_\_\_\_ ar gemau pêl-droed a rygbi ac yn rhoi'r sgoriau diweddaraf o'r meysydd chwarae.

### Siaradwch

- Dych chi'n gwranddo ar Radio Cymru?
- Dych chi'n gwranddo ar orsafoedd radio eraill?
- Pa raglenni radio dych chi'n eu hoffi/casáu?
- Ble byddwch chi'n gwranddo ar y radio?
- Dych chi wedi siarad ar y radio – ar Radio Cymru neu unrhyw orsaf radio arall?

## Gwrando – sgwrs gyda Rhuanedd Richards

Rhuanedd Richards ydy Golygydd Radio Cymru, sef y swydd sy'n gyfrifol am holl waith yr orsaf.

Byddwch chi'n clywed sgwrs gyda Rhuanedd am yr hyn sy'n bwysig iddi hi.



1. Wrth wrando ar ran gyntaf y sgwrs am y tro cyntaf, gwrandewch am y geiriau canlynol gan roi ✓ pan fyddwch chi'n eu clywed (bydd rhai o'r geiriau i'w clywed fwy nag unwaith, felly gallwch roi mwy nag un ✓):

	✓
amrywiol	
cynulleidfa	
arlwy	
safon	
cyflwynwyr	
eang	

2. Mae Rhuanedd Richards yn defnyddio'r ymadrodd **rhywbeth at ddant pawb**. Dych chi'n deall ystyr yr ymadrodd hwn? Rhowch y ffurfiau cywir ar yr ymadrodd **at ddant** yn y blychau isod:

at \_\_\_\_\_ i

at \_\_\_\_\_ di

at \_\_\_\_\_ e/o

at \_\_\_\_\_ hi

at \_\_\_\_\_ chi

3. Wedi gwrnado ar y darn eto, gweithiwch gyda phartner i gofio cymaint ag y gallwch chi o'r mathau o raglenni sydd ar Radio Cymru y mae Rhuanedd yn eu rhestru:

---

---

---

4. Beth sy'n her ac yn gryfder i Radio Cymru, yn ôl Rhuanedd?

---

---

5. Pa ddewis mae Radio Cymru'n ei gynnig i wrandawyr yn y boreau nawr?

---

---

6. Yn ail ran y sgwrs, mae Rhuanedd yn sôn am **bodlediad** wythnosol Radio Cymru i Ddysgwyr, **Pigion**. Gwrandewch am y geiriau hynny.  
Dych chi'n gwybod beth ydy podlediad? Dych chi'n gwrando ar bodlediad *Pigion*? Dych chi'n gwrando ar unrhyw bodlediadau eraill?

7. Pa gysylltiad personol sydd gan Rhuanedd gyda dysgwyr?

---

---

8. Cysylltwch enw'r rhaglen gyda'r disgrifiad cywir isod:

Rhaglen Trystan ac Emma

Rhaglen gomedi newydd

Rhaglen Cat a Cats

Y rhaglen cyn y rhaglen newydd ar fore Sadwrn

Rhaglen Tudur Owen

Rhaglen newydd ar fore Sadwrn

Hunllef yng Nghymru Sydd

Rhaglen sydd wedi dod i ben

### Siaradwch

- Sut byddech chi'n crynhoi gweledigaeth Rhuanedd Richards ar gyfer Radio Cymru?
- Pa fath o raglenni sydd at eich dant chi – ar y radio neu'r teledu?
- Ydych chi'n hoff o wrando ar gerddoriaeth?
- Fyddwch chi'n gwrando ar gerddoriaeth ar y radio neu trwy ryw gyfrwng arall?
- Pa fath o gerddoriaeth sydd at eich dant chi?

## Darllen - Radio Cymru

Darllenwch y darn isod a nodwch beth ydy arwyddocâd y dyddiadau a'r amserau yn y tabl hwn i Radio Cymru yn hanesyddol neu heddiw:

3 Ionawr 1977	
29 Ionawr 2018	
12-18 Hydref 2019	
5:30am	
Hanner nos	
6:45am	
6:30-8:30am dydd Llun-dydd Gwener	
5:00-6:00pm	

Radio Cymru ydy gorsaf radio Gymraeg BBC Cymru. Dechreuodd ddarlledu ar 3 Ionawr 1977. Ar y pryd, Radio Cymru oedd yr unig orsaf radio oedd yn darlledu ar FM yn unig. Dechreuodd y darllediad cyntaf am 6:45 y bore gyda llais Geraint Jones yn croesawu'r gwrandawyr cyn trosglwyddo i Gwyn Llywelyn ar gyfer bwletin newyddion ac ymlaen wedyn at Hywel Gwynfryn a'i raglen frecwest, *Helo Bobol*.



Dim ond yn y bore roedd rhaglenni ar Radio Cymru yn y dyddiau cynnar hynny, ond heddiw, mae'r orsaf yn darlledu yn Gymraeg o 5:30 y bore tan hanner nos. Mae modd gwrandao ar Radio Cymru ar FM ar setiau radio traddodiadol, neu ar radio digidol, ar deledu Freeview, lloeren a chebl neu ar y we. Mae arlwy'r orsaf yn amrywiol iawn – mae'n cynnwys rhaglenni newyddion, adloniant ysgafn a chwaraeon, rhaglenni sy'n trafod materion cyfoes a ffordd o fyw a rhaglenni arbenigol mewn meysydd fel byd natur, amaethyddiaeth, y celfyddydau a chrefydd. Dyma batrwm arferol y rhaglenni, yn fras, yn ystod dyddiau'r wythnos – dydd Llun i ddydd Gwener:

05:30 – 07:00: Cerddoriaeth a chwmnïaeth yn y bore bach

07:00 – 08:30: Newyddion

08:30 – 12:00: Rhaglenni sgwrsio a cherddoriaeth

12:00 – 14:00: Rhaglenni nodwedd, materion cyfoes a newyddion

14:00 – 17:00: Cerddoriaeth, cystadlaethau ac adloniant ysgafn

17:00 – 18:00: Newyddion

18:00 – 19:00: Rhaglenni nodwedd/meysydd arbenigol

19:00 – 22:00: Cerddoriaeth gyfoes gyda chyflwynydd a phwyslais gwahanol bob nos

22:00 – Hanner nos: Cerddoriaeth a sgwrsio ar ddiwedd y dydd

Ar fore Llun 29 Ionawr 2018, lawnsiodd BBC Cymru ail orsaf radio, sef Radio Cymru 2. Mae Radio Cymru 2 yn cynnig dewis i bobl y mae'n well ganddyn nhw wrando ar gerddoriaeth ac adloniant ysgafn amser brecwast. Mae rhaglenni gwahanol ar Radio Cymru 2 rhwng 6:30 a 8:30 o ddydd Llun i ddydd Gwener, o 7:00 tan 9:00 ar fore Sadwrn, neu o 8:00 tan 10:00 ar ddydd Sul. Mae'r ail orsaf hon ar gael trwy radio digidol, teledu digidol, lloeren a chebl, neu ar y we.

12-18 Hydref fydd Wythnos Dathlu Dysgu Cymraeg BBC Radio Cymru. Mae'r siart isod yn crynhoi rhai o'r pethau sy'n digwydd yn ystod yr wythnos:



### Ymarfer

Dewch o hyd i 5 treigladd yn y darn darllen uchod ac esboniwch pam mae'r treigladdau hyn yn digwydd.

## Gwrando – Beti George ac Aled Hughes

Beti George ydy cyflwynydd y rhaglen *Beti a'i Phobl*. Mae gwestai gwahanol ar y rhaglen honno bob wythnos – rhywun enwog neu rywun sydd wedi cyflawni pethau diddorol neu anarferol yn eu bywyd. Mae'r gwrandawyr yn cael dod i nabod y gwestai'n well wrth i Beti eu holi a chwarae eu dewis o gerddoriaeth.

Mae BBC Radio Cymru wedi recordio sgwrs fer rhwng Beti ac un arall o gyflwynwyr Radio Cymru, Aled Hughes yn arbennig ar gyfer yr uned hon. Mae Aled Hughes yn cyflwyno rhaglen bob bore rhwng 8:30 a 10:00.

1. Cyn gwrando ar ran gyntaf y sgwrs, gweithiwch gyda phartner i gysylltu'r geiriau a'r ymadroddion isod gyda'r diffiniadau cywir:

**cymryd yn ganiataol**

**rhyfeddu**

**pynciau trafod**

**pwysu a mesur**

**plethu**

**mynd ar drywydd**

**dadansoddi**

**fy nhanio i**

**dilyn stori sydd y tu ôl i rywbeth**

**edrych yn fanwl ar y gwahanol elfennau sy'n rhan o rywbeth**

**peidio meddwl am rywbeth, neu beidio ei werthfawrogi**

**cael syndod mawr**

**pethau y mae pobl eisiau siarad amdany'n nhw**

**ystyried eich barn am rywbeth yn ofalus**

**clymu gwahanol bethau at ei gilydd mewn patrwm**

**fy nghyffroi i neu ddeffro diddordeb ynof fi**

2. Creadur busneslyd

Yn ystod y sgwrs, mae Aled yn disgrifio'i hun fel "creadur busneslyd". Pa ansoddair fydddech chi'n ei ddefnyddio gyda'r gair creadur/creatures i ddisgrifio'ch hun? Dyma rai posibiladau:

- tawel/swnlllyd
- pwylllog/byrbwyll
- nerfus/hyderus
- sarrug/cyfeillgar
- trefnus/anrhefnus
- taclus/anniben/blêr

3. Wrth wrando ar ran gyntaf y sgwrs, gwrandewch am y geirau a'r ymadroddion a restrwyd yn 1. uchod.



4. Sut mae Aled yn dweud "dw i ddim yn meddwl..."

Sut mae pobl yn dweud hynny yn eich ardal chi? Defnyddiwch yr ymadrodd hwnnw o flaen y canlynol (cofiwch fod angen defnyddio cymal 'bod'):

\_\_\_\_\_

\_\_\_\_\_

\_\_\_\_\_

\_\_\_\_\_

Mae Beti George yn dod o'r Gogledd.

Mae gan Aled wallt hir/Mae gwallt hir gydag Aled.

Dw i wedi clywed rhaglen Aled Hughes.

Mae Aled yn gweithio ar ei ben ei hun.

5. Yn ail ran y sgwrs, mae Aled yn sôn am adael i sgysiau "anadlu" ar ei raglen. Ar ôl gwranddo ar yr ail ran, trafodwch beth mae'n ei feddwl wrth ddweud hyn.

6. Cwblhewch yr ymadroddion canlynol i ddweud beth mae Aled yn ceisio'i wneud wrth gyflwyno'r rhaglen:

peidio bod yn \_\_\_\_\_

mae'n bwysicach \_\_\_\_\_ yn hytrach na \_\_\_\_\_

mae hi'n iawn dweud \_\_\_\_\_



7. Yn y trydydd clip, mae Beti'n holi Aled am ei ardal enedigol yn Llanbedrog, Pen Llŷn ac mae Aled yn esbonio bod dylanwad yr ardal "yn ei wythiennau". Ym mha dri sefydliad yn yr ardal roedd y Gymraeg "yn llifo'n naturiol" wrth i Aled gael ei fagu yno?

---

---

8. Sut roedd gweithio yn y dafarn yn debyg i weithio ar y radio, yn ôl Aled?

9. Pa raglenni teledu mae Aled yn eu henwi wrth siarad am "ddiwylliant Eingl-Americanaidd"?

10. Beth yw barn Aled am drafod pethau fel hyn ar ei raglen?

## Gwaith cartref – gwrando ar Radio Cymru



Ydych chi'n gwybod ar ba donfedd mae Radio Cymru yn darlledu yn eich ardal chi? Neu ydych chi eisiau gwrando ar radio digidol neu'r teledu neu dros y we? Holwch eich tiwtor os oes angen help arnoch chi i ddod o hyd i'r orsaf.

Gwrandewch ar o leiaf un o raglenni Radio Cymru neu Radio Cymru 2 cyn eich gwrs nesaf.

### Siarad (yn y wers nesaf)

- Trafodwch y rhaglen(ni) y buoch chi'n gwrando arni/arnyn nhw.
- Wnaethoch chi fwynhau'r gwrando?
- Fyddwch chi'n gwrando eto ar yr un rhaglen, neu'n rhoi cynnig ar rywbeth gwahanol ar Radio Cymru?